


北京圖書館
編

北京圖書館藏家譜叢刊
閩粵（僑鄉）卷

北京圖書館出版社

節堂祖世德堂祠址圖

吳堯階繪



北京图书馆
编

北京圖書館藏家譜叢刊

閩粵
(僑鄉)卷

第 7 冊

北京圖書館出版社

節堂祖世德堂祠址圖

吳亮階繪

節堂陳公祠

序

吾家宗譜自乾隆戊寅重輯以來迄今歲且一周族長老咸謂此譜不脩微特析居異地者人易世疎卽近在里閭亦聚散不常判如秦越非所以紹述先德昭示來茲也先是先君子健齋府君欲脩者屢矣洎乎伯

兄裕堂猶前志也

雲章

爲諸生時耳熟父兄緒論拳拳

以此事爲期然方治帖括未遑及也嘉慶丁卯舉於鄉計偕入都擬紆道金陵訂脩譜系以期迫而止戊辰下第畱試春官已巳捷南宮蒙

恩以知縣用假旋道聞伯兄計匆匆返棹金陵之役又不果行旋以文檄交馳備員江右每念先父兄語未嘗不中夜徬徨乙亥秋引疾歸里始與族中名宿議及重脩越明年諏日告廟先命族孫德賢往江南江西湖北徵脩餘或分支編輯凡 遜齋公之派在魏江 拙齋公之派在淇陽者悉心考訂務期不濫不疎乃取戊寅本繁者刪之缺者補之証據悉本舊聞義例或依正史各房圖考傳贊亦時以意商榷其間焉自世系以下則族叔星池先錄副本授梓人其餘任校讐司出納亦皆

斯夕在公樂襄盛舉計開局于丙子仲春至丁丑正月
付剗九閱月工竣盒上賴祖宗呵護之靈故其工之
完且速如是

雲章

亦得持謝族人且藉手以報我父兄

也於戲何其幸與抑猶有進焉魏晉以還士大夫侈陳
門閥流及旣衰子孫販鬻松楸猶恃其舊望爲世所譏
歷史所載若牟祐楊準累世清德恒不多見以是知繼
繼繩繩在乎後人之自立矣我陳氏世爲閩中著姓由
浮山三徙以至淇陽於莆頗推右族今則老成凋謝風
俗亦頗異曩時誠取顏氏家訓方氏宗儀舉而行之農

安猷畝士習詩書庶幾處則儀型宗族出則宣力

朝廷紹我前休以無負 遜齋 拙齋二公之遺訓則

今日續脩之願也嘉慶二十二年歲次丁丑秋九月三

十一世孫

雲章

百拜謹序

序

祥

質魯幼且善病長荒於學久困棘闥今老矣功名之望非所敢知然幸賴先人遺業有薄田以供饘粥有敝廬以庇風雨則祖宗之澤何可忘也乙亥秋族姪秋河自西江謝病歸越丙子春邀集族房文學談及本宗世系積久未修何以爲人孫子因屬祥共襄厥事祥以不敢獨任謝秋河再三敦勸乃諏於二月吉日敬告宗祊鼓樂導前勞以花酒將新刊格式送到祥家並命族孫德賢往江西湖北江南徵修世系祥至是乃不敢以不

文辭粵稽我族自 光山公由固始入閩遞推遞衍傳
至 贈侍御礪峯公生我 遜齋 拙齋二公本支之
茂冠盃之榮彬彬乎稱盛焉譜之作也肇於宋衍於明
入

國朝則一修于康熙丙戌再修于乾隆戊寅自戊寅迄
今歲將周甲歷世旣遙恐歸散失則修之此其時矣爰
是心營目耕無分晝夜凡各房世系陸續彙存則手寫
一通付之梓人俾爲粉本其有前後倒置割裂不明者
又以其餘下疑籤標讐墨焉盃不自知其精神之幾耗

而腕力之幾疲矣昔南史謂沈麟士年過八十猶寫細書二三千卷祥雖老矣然行年六十齒未甚衰重以祖宗典故幸得親與是役之隆豈非榮遇刻旣竣爲書其緣起持謝秋河且以告後之閱是譜者嘉慶丁丑秋九

世孫其祥百拜謹識

書正上長陽上方言

卷首

上

前序

嘗讀詩至伐木行葦諸章未嘗不廢卷而嘆曰厚哉先王之于人也夫畫義以彰軌規制行矣九族有章五服詳矣本本而支支尊卑既定昭穆明矣于是平有燕享之也衆會之節有周卹慶唁之情展親睦族非先王孰能爲此哉後世風頽俗靡往往尊華胄而薄寒微旁搜遠附不難俛首稱鴈行卽令有合族之志體先王享親之文制爲飲燕會聚使相周卹慶唁其足爲後之人遵也否耶故漢重閭閻司馬遷自序世家置秦晉趙魏不

書蓋亦以明宗法令後人可信而可傳耳此家之譜埒國之史誠以信爲世重也浮山陳氏之譜肇輯于謹修先生旣已詳而盡簡而實崇本達枝一一審諦以垂不刊之信乃通議仲循君歸隱南塘復起隆本之思以爲世更則族愈繁譜不可以不增修於是取浮山故牒重加編摩若系圖若行實若綸音誌銘悉爲蒐羅增定煥然稱全乘矣是豈徒丹青浮於絢彩簡冊侈於摘華已哉帙成走价詣予請序予與仲循君盟社有年仕籍同登知其先世淵源安敢不以一言道其槩遡陳自太

丘公代有聞人積德累功種種然非指所能屈也迨
中和間光山公由淮右入閩爲肇遷居莆之鼻祖而啓
文獻家聲則自少府道生公以明經擢第嗣是而金紫
大夫開國公勲名旣亢厥宗陳州刺史公聲華又著秘
閣及仲循君祖孫父子三世五登黃甲夫自唐迄今
歷世僅及有九而冕綬蟬聯代沐皇恩陳氏文物阜昌
誰得而企其盛哉祖德延綿寢昌寢熾慶澤流芳方將
與崑崙之水同流衍然今後倘能推恩睦族遵古先王
伐木行葦遺意則雖窮居大行隱顯不同而篤親厚倫

作求世德無忝於前人其於譜也不亦有榮施乎斯舉也仲循君蓋以信史提宗人衡余因以數言爲仲循君之後人勗昔紹聖四年丁丑春日翰林院學士許安世譔

昔三代時宗法立而國之著姓族氏皆紀於上故周有小史掌邦國之志以奠世系辨昭穆太史公因世本以定世家魏晉以來猶重世胄歷唐隋間刊定氏族咸掌於官猶古意也唐以後東西紛更南北朝構難兵燹煽而文物遺故家喬木不與海桑俱變者幾何哉此仁人

孝子欲聯木本水源之思不能不加意於譜也余同生友陳君拙齋莆人也莆陽右族陳姓稱著而拙齋又爲陳族之著嘗與余被命蘭臺纂修經書性理大全諸書朝夕校讐意津津厚也素懷敦本暇輒語予曰國以史徵家以譜重余先世自唐上饒尉本公中和間奉其父光山公入閩爲肇遷居莆之祖再傳而諱稜公拜金吾衛上將軍以從幸功封弋陽郡開國公迨後遷浮山則有刺史諱琨公遷南塘則有通議大夫諱大卞公至十三世諱善積公又自南塘徙居東陽源流派別向固已

系之譜矣奈世代迭更宗支繁衍不能無遺忘脫略爰
命子姓稽故實採未備爲東陽陳氏族譜今且翕然就
緒敢藉公一言弁首以爲族人重予以年誼交情安敢
辭其責遡陳之受姓始於媯周武王克殷求舜後媯滿
於陳以奉帝祀謚曰胡公後遂以國爲氏歷傳至湣公
越春秋末爲楚所併其子釗避居陽武戶牖鄉至漢興
有曰平者越之十世孫也出奇計佐高祖定天下拜相
封侯閱六傳而有曰湯者拜西域副校尉誅郅支斬單
于爲漢雪數十年不報之恥封關內侯後移家潁川七

葉而生文範先生寔平心率物以節義重四方有子六
皆賢而元季二方爲最世所稱難兄難弟是也嗣是而
大司空羣尙書左僕射泰至長城令諱達公者皆元方
之後也高原太守潤魏主簿譚至泉莆兵馬使諱邁公
而後令莆田者皆季方之後也季方之後居莆最多而
爲東陽鼻祖者唐光山公也厥後孫曹鱗集簪笏蟬聯
勲猷節義之士彬彬輩出陳氏故家文物詎不甲於他
氏乎哉今取其譜而閱之而知夫首世紀者爲庚甲之
有後先次世系者爲本支之有區別孝莫大於奉先則